



## Ci él pa endoman?

Ci él pa endoman, canche i confaruns é endô motüs ia, le bel quant t'armé, les bandires tutes jö? Sarunse endô ia Chelbeldio te tabernacolo de dljia, cina al proscimo iade? Na, enló messunse nos, vignöna y vignönn de nos, gní enstesc mostranzas. Deache tres le Bato y i sacramonc portunse Chelbeldio ete te nos y con nos fora por i trus dla vita. Ensciö podunse ince le dé ennant ai atri. Cösc é nosc compit: testimonié sôa presenza endlunch olache i jun y te döt ci che i fajun, con parores y con operes. *(Image)*



## Vita de ploania y de paisc

- **Joneza:** la Joneza d'La Pli envieia der bel da jí en la Festa dal Cör de Gejú deboriada a fá le fü sön Prades tal pre de Brach.



## enformaziuns y termins

**Oraziun da Taizé:** la proscima oraziun de Taizé ven tignida en vendres ai 15 de jügn ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert

**KVW Senioreclub:** en dedemesaledema ai 13 de jügn vá le Senioreclub con le bus a vijité la Laimburg. An peia ia ales 8:00 da doman cole bus dal Cone demez. Iade y marena costa 30,00 €. Prenotaziuns pa Lidia, ☎ 339 7899107.

**Grup Atmosfera:** en jöbia ai 14 de jügn s'encunta endô dales 15:30 ales 17:30 te Raiun Sozial Val Badia a Picolin le grup de tomp lede Atmosfera por eres y ei atocchés da problems psichics. En cösc iade modelunse l'arjila y lasciun le dia nosta fantasia. Al sará ince endô tomp por s'la cunté y sté adöm con Irina Tavella y Barbara Rungger. Enformaziuns pa Sabine Rainer, ☎ 0474 524519.

**Zenter Families Mareo:** le ZFM envieia en jöbia ai 14 de jügn, dales 15:00 ales 16:00, sön le Lü de Pincia a Mantena a na "Spazirada tla natöra por emparé a conesce erbes y ciöf de medejina y ince co les adoré desco speisa" con Margareth Palfrader, esperta dles erbes (Kräuterpädagogin). Enviés é düc i enteressés, ince jogn y jones o mituns dla scora mesana acompagnés da n adult. Le numer dai partezipanc é limité, porchel preibel se prenoté anter i 13 de jügn pa Helga, ☎ 333 2181049 o email helga.rubatscher@rolmail.net

**Biblioteca:** la Biblioteca "Angelo Trebo" romagn slüta dai 18 de jügn ai 1 de iuli.

**Ocio:** l'apoteca d'Al Plan romagnará slüta dai 11 ai 21 de jügn.

**Döt le bun a:** Sr. Rosalia-Aloisia Daverda, *Mestre* \* 15.06.1927  
y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



# Plata dla Ploania

## La Pli de Mareo

### Santa Maria dal Bun Consei

Ploan: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



VAL BADIA  
www.unitepastorala.org

Ann B

10.06.2018 - GRAN FESTA DAL CÖR DE GEJÚ

n. 28

## Tolede mio ju sön os y emparede da me: deach'i sun bun y umil de cör. Alleluia.

Os 11, 1.3–4.8a.c–9 | Ef 3, 8–12.14–19 | Jan 19, 31–37

### Dal Vangelo do San Jan:


<sup>31</sup>Deach'al ea la veia dla festa y i corps ne dea nia resté dertan le sábat söla crusc, á i iüdes perié Pilatus, che al ti gness rot les iames ai cruzifijés y tut jö söes salmes, deache cösc sábat ea n gran santú. <sup>32</sup>Ensciö él gnü i soldás y ti á rot les iames al pröm, spo al ater co ea gnü motü söla crusc con el. <sup>33</sup>Canch'ai ea roés da Gejú y á odü ch'al ea belo mort, ne ti ái nia rot les iames, <sup>34</sup>mo önn dai soldás ti á ficé la lanza tal costá y atira él rogorü fora sanch y ega. <sup>35</sup>Y chel co á odü cösc, á dé testimoniianza, y sôa testimoniianza é vei. Al sa ch'al cunta ci co é vei, ch'i cherdeise ince os. <sup>36</sup>Deache cösc é sozedü, por che la parora dla Scritöra s'adempliss: An ne dess ti rumper degün ös. <sup>37</sup>Y te n ater post dij la Scritöra: Ai ciarárá sön chel che ai á traficé.

### Oraziun dal de

*Periun! Dio y Pere, tal cör de to Fi bunorü nes daste la ligreza de podei zelebré les gran opres de to amur por nos: dasse fora de cösta fontana de misericordia divina la pleneza dla grazia y dla vita.*

*Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen.*

(Lezionar B)



Letöres dla 11. domogna ia por l'ann:

Ez 17, 22–24 | 2 Cor 5, 6–10 | Mc 4, 26–34

Edema liturgica dai 10.06. ai 17.06.2018

<b>DOM 10.</b>	<b>GRAN FESTA DAL CÖR DE GEJÚ</b> <i>beat Heinrich da Balsan</i>
<b>08:30</b>	<b>gran messa</b> ciantada por dōta la ploania <i>♫ F.J. Schütty, "Missa solemnis" oferta por i debojügn dla ploania</i>
→	<b>ores d'adoraziun:</b> do messa cina les 10:30 Curt, 10:30 - 11:30 La Pli, 13:00 - 14:00 Pliscia
<b>14:00</b>	<b>espi da festa y prozesciun eucaristica</b> con 2 vangeli fora Brach
<b>Lön 11.</b> 07:30	<i>Barnabas, Paula, Alice (Adelheid)</i> s.m. a Al Plan
<b>Ded 12.</b> 07:30	<i>Leo III, beata Hildegard Burjan</i> s.m. por les Pües Armes s.m. por † Frieda Feichter, Santa Cristina
<b>Dem 13.</b> 18:00	<i>Antone da Padova, Bernhard d'Aosta</i> s.m. a Al Plan
<b>Jöb 14.</b> 19:30	<i>Meinrad, Fortunat</i> s.m. por i nüc Julia Ploner y Nicel Bioc s.m. por †† Otto y Anna Peslaly y † Franzisca Elliscases, Tlea s.m. por † Irene Erlacher Pescoll, Plaza s.m. por Paul y Maria Pedevilla y söes families, La Pli
<b>Ven 15.</b> 08:00 → 10:00	<i>Vitus, Germana, Lothar, Gebhard</i> a Al Plan <b>s.m. de conclujun dal ann de scora por la mesana</b> <b>s.m. de conclujun dal ann de scora</b> s.m. d'aniversar por † signor Merch Graffonara, ploan s.m. en onú dal Cör de Gejú y Maria por fam. Rovara, Plans
<b>Sab 16.</b> 07:30 18:00	<i>Sabeda de Santa Maria   Benno, Iustina</i> s.m. por † Jep Konrater y †† Anna y Leopold Erhard s.m. por † Jep Palfrader, Mone s.m. prefestia a Al Plan
<b>DOM 17.</b> 08:30 10:00	<b>11. domegna ia por l'ann</b> <i>Rainer, Adolf</i> <b>gran messa</b> por dōta la ploania y benedisciun dal temp <i>oferta por i debojügn dla ploania</i> s.m. a Al Plan

ampola: por fam. Jep y Elisabeth Erlacher, Bagnadura

ministronc: ▶ da doman y domegna: Rosina Konrater y Lucia Burchia  
 ▶ da sera y domegna: Filip Taibon y Armin Elliscases

i recordun: Sr. Christina (Maria) Erlacher OT, Lana + 14.06.2010  
 Sig. Merch Graffonara, ploan + 14.06.2013



Ai ciará sön chel che ai á traficé (Jan 19, 31–37)

I ponsi do

La crozifijiun ea tal monn grech-roman en segno de impotenza y orea dí la fin.  
 Mo Gejú se dá cinamai tla mort sön la crusc söes scincundes: sanch y ega é segni dal Spirit Sant y dai sacramonc che Gejú nes á dé.  
 Tres cöstes scincundes ven Gejú le punt zentral sön chel che düc ciara. Ince nos capiun l'amur de Chelbeldio sc'i ciarun sön le Cör de Gejú.

I preii ensciö

Dio misericordius, le cör davert de to Fi é por nos en segno de to amur zonza fin. Deidesse ester portadús de to pordonn y de to amur.  
 Por Crist, nosc Signur.  
 Wilhelm Egger "Sonntagsbibel"



Tö es la fontana dal amur.

Tö es la fontana dal amur. Dásse val' de to amur. I orun ti al scinché a nüsć ijins. I orun ti al dé ennant a tōa creaziun. Con les mans plenes orunse le partí fora te döt le monn. Sce te ne s'al das nia, resta nostes mans ötes y nosc cör freit. Partesc to amur cun nos y nos sarun contonc, i te laldarun y te dijarun iolan, tö che t'os bun dagnora. Amen.



Stories de Adam y Eva cuntades ai mituns (13)



La tera é (n'é nia) en urt "demorveia"? (2)

La jont ciara ci che plantes y tiers adora da vire. Ara serieia, somena i ciamp, laora la vigna - y s'anadá che le laur n'é nia ma fadia mo ince ligreza. Ara s'arjigna massaries y mascinns co deida laoré y medejines co varesc i püri. Ara fej sö ciases y ciütés, punc y de gran dljies con ciampanins alc: en onur de Chelbeldio. Deach'ara reconesc – y cösc é le plü emportant – che Chelbeldio, le Signur, ti ô bun ala jont y a döt ci co vir söla tera. Al ascuta sc'i le cherdun, al pordona sc'i falun, al á ligreza sc'i ti ciantun ciances de lalt.

Na, Chelbeldio n'é nia romagnü tal urt "demorveia". Al é enló, olache söa jont sta. Al ti ô bun a döt ci co vir söla tera. Sen y dagnora.

Na ciancia de lalt

*Beldio, nosc Signur, gran y potent!*  
 Döt le monn che t'as cherié te cianta na ciancia de lalt.  
 Ci é pa na porsona, che tö te recordes de era,  
 en möt, de chel che te ciases?  
 Tö se fejes patruns dles operes de töes mans;  
 dōta la vita s'aste afidé a nos:  
 düc i pici y i gran tiers; i zerti y i salvari,  
 i vicí tal ci y i pesc dal mer, döt ci co vir t'ega.  
*Beldio, nosc Signur, gran y potent!*  
 Döt le monn che t'as cherié te cianta na ciancia de lalt.